



KABINET DIREKTORA

Broj: 01- 02-1775-H /15  
Banja Luka, 18/11 2015. godine

1. KABINETU DIREKTORA UIO
2. SEKTORIMA I ODJELJENJIMA UIO - svim
3. REGIONALNIM CENTRIMA UIO - ODSJECIMA - svim

**Predmet: Početak upotrebe novog carinskog informacionog podsistema ASYCUDA World, objašnjenje o postupanju**

Uprava za indirektno oporezivanje (UIO) intenzivno radi na mnogobrojnim aktivnostima vezanim za modernizaciju svih njenih poslovnih procesa, među kojima je proces usklađivanja carinskog sistema sa pravnom stečevinom Evropske unije i njegovo unapređenje i u informaciono-tehničkom pogledu, u čemu joj podršku pruža Upravni odbor UIO, kao i Delegacija Evropske unije u BiH putem odgovarajućih projekata tehničke pomoći.

Među tim aktivnostima je **razvoj novog informacionog carinskog podsistema - nova verzija ASYCUDA World** (dalje: ASYCUDA World), koji je neophodan za potpunu i pravilnu implementaciju novih carinskih propisa, a koji će obezbijediti i set funkcionalnosti potrebnih za elektronski (bezpapirni) carinski postupak koji će biti regulisan navedenim propisima, kao i **razvoj novog kompjuterizovanog provoznog postupka - NCTS**. Rješavajući dio po dio tih procesa doći će do evolucije čitavog carinskog sistema tako da ćemo kao krajnji produkt dobiti carinski sistem koji funkcioniše u potpunosti po evropskim standardima. Samo na takav način može biti zagarantovan uspjeh UIO i kvalitet usluga koje ona pruža poslovnoj zajednici.

ASYCUDA World, između ostalog, pruža mnoge novine i velike prednosti u samom procesu obrade carinske prijave, počev od njenog sačinjavanja i podnošenja do završetka carinskog postupka po istoj, a što, iz tehničkih ograničenja, ne može pružiti sadašnja ASYCUDA++1.18d, a te novine i prednosti će doprinijeti i kvalitetu rada i omogućiti lakše i brže carinsko poslovanje i UIO i poslovnoj zajednici.

Kako su se, prema do sada dostignutom nivou razvoja ASYCUDA World, stekle tehničke i funkcionalne mogućnosti za upotrebu ASYCUDA World i za obradu carinskih prijava u skladu sa sada važećim Zakonom o carinskoj politici Bosne i Hercegovine ("Sl. glasnik BiH", br. 57/04, 51/06, 93/08, 54/10 i 76/11) i Odlukom o provedbenim propisima Zakona o carinskoj politici Bosne i Hercegovine ("Sl. glasnik BiH", br. 63a/04, 60/06 i 57/08) i drugim propisima primjenljivim u carinskim postupcima, to je UIO donijela odluku da se otpočne sa implementacijom ASYCUDA World i njenim puštanjem u upotrebu za obradu carinskih prijava prema sada važećim navedenim propisima, a što je odobreno i od strane Delegacije Evropske unije u BiH.

To neće ni u kom pogledu narušiti ili dovesti u pitanje dalji razvoj ASYCUDA World za obradu carinskih prijava u skladu sa novim carinskim propisima i zahtjevima definisanim Ugovorom o projektu ASYCUDA World i njenu implementaciju početkom primjene tih propisa.

**Proces implementacije ASYCUDA World počinje puštanjem u primjenu ASYCUDA World u Carinskoj ispostavi Banja Luka dana 17.11.2015. godine**, a dalje, prema planiranim aktivnostima, nastaviće se implementacija ASYCUDA World u ostalim carinskim uredima (carinskim ispostavama i carinskim referatima) UIO, o čemu ćete biti obaviješteni putem pisanih odluka UIO.

S obzirom da je tokom procesa implementacije ASYCUDA World potrebno obezbijediti nesmetano funkcionisanje i rad u carinskim uredima, ovim putem vas obavještavamo o procesu implementacije i dajemo **objašnjenje o načinu i toku implementacije ASYCUDA World i sa tim povezanim određenim novinama i postupanjima nadležnih organizacionih jedinica UIO i učesnika u carinskom postupku, kako slijedi:**

1. UIO je donijela Uputstvo o izmjeni i dopunama Uputstva o popunjavanju carinske prijave podnijete u pisanom obliku i korištenjem tehnike obrade podatka i zbirne prijave, broj: 01-02-2-1775-3/15 od 13.11.2015. godine, neophodno za implementaciju ASYCUDA World, koje sadrži određene novine:

- uvodi se MRN broj carinske prijave, a u vezi sa time i slovna šifra vrste carinskog postupka koja je sadržana u strukturi MRN broja,
- uvode se nove šifre carinskih ureda: carinskih ispostava i carinskih referata od osam alfanumeričkih oznaka (an8). U strukturi novih šifri carinskih ureda zadržane su sadašnje šifre carinskih ureda (n5) ispred kojih je dodata: ISO alfa 2 oznaka za državu Bosnu i Hercegovinu "BA" i "0" (npr. "BA094013": označava Carinsku ispostavu Banja Luka).

Nove šifre carinskih ureda (an8) koristiće se u ASYCUDA World, a počinju se primjenjivati u svakom pojedinom carinskom uredu (carinskoj ispostavi i carinskom referatu) od dana početka upotrebe ASYCUDA World u odnosnom carinskom uredu određenog posebnom odlukom UIO.

Na primjer, ako se izvozna carinska prijava podnosi izvoznom carinskom uredu u kojem je puštena u primjenu ASYCUDA World u toj deklaraciji upisuje se nova šifra izvoznog carinskog ureda (an8) kao i nova šifra za izlazni carinski ured za odnosni izvoz, nezavisno od toga da li je u tom izlaznom uredu puštena u primjenu ASYCUDA World ili ne. Međutim, ako se u toj izvoznoj prijavi popunjavanja polje 40 i u istom se poziva na carinsku prijavu (kao prethodni dokument) prihvaćenu prije puštanja u upotrebu ASYCUDA World, tj. u kojoj su navedene sadašnje šifre carinskih ureda (n5) u tom slučaju upisuje se ta šifra carinskog ureda (n5) koja je i navedena u prethodnom dokumentu.

Nove šifre carinskih ureda (an8), od dana stupanja na snagu navedenog uputstva, počinju se primjenjivati u postupku izdavanja carinskih odobrenja, kao i u drugim postupanjima iz nadležnosti UIO u kojima se koriste šifre carinskih ureda.

**Za popunjavanje platnog naloga za plaćanje indirektnih poreza obračunatih po carinskoj prijavi** na jedinstveni račun za prikupljanje indirektnih poreza, ostalih prihoda i taksi kao šifra carinskog ureda koji je u pitanju koristi se posljednjih pet cifara (brojčanih oznaka) iz strukture nove šifre carinskog ureda (u navedenom primjeru nove šifre "BA094013" to je: "94013"),

- uvode se nove šifre vrste zastupanja u carinskom postupku koje se upisuju u polje 14 carinske prijave u ASYCUDA World,
- uvodi se popunjavanje polja 22, 33, 42 i 47 i kod carinskih skladišta tipa A, B, C i F,
- novi obrazac otpremnice za carinsku prijavu u ASYCUDA World (obavijest da je zahtjevani carinski postupak završen) i
- druge dopune kako su propisane navedenim uputstvom.

Dopune propisane navedenim uputstvom neophodne za implementaciju ASYCUDA World (ne isključujući primjenu i ostalih propisanih pravila za popunjavanje carinske prijave), počće se primjenjivati u svakom pojedinom carinskom uredu od dana puštanja u upotrebu ASYCUDA World u odnosnom carinskom uredu (vidi i izuzeća u članu 10. tog uputstva), a do tog dana primjenjuju se pravila za popunjavanje carinske prijave propisana prije tih dopuna.

2. Tehničko uputstvo za upotrebu ASYCUDA World u procesu podnošenja i obrade carinske prijave (verzija 1.) za carinske organe biće objavljeno na intranet stranici UIO, a Tehničko uputstvo za upotrebu ASYCUDA World za eksterne korisnike (verzija 1.) biće objavljeno na web stranici UIO: [www.uino.gov.ba](http://www.uino.gov.ba)

3. Proces implementacije ASYCUDA World koji počinje 17.11.2015. godine (u CI Banja Luka) obuhvata:
  - procese obrade carinskih prijava u uvoznim i izvoznim carinskim postupcima,
  - procese obrade uplata carinskog duga obračunatog po carinskim prijavama i unos bankarskih garancija za postupak puštanja robe u slobodan promet,
  - korištenje modula integrisane Carinske tarife BiH, uz njene komponente: primjena slobodnih trgovinskih sporazuma, obračun carinskog duga po carinskim prijavama po kojima se zahtijeva primjena propisa o privremenoj suspenziji i privremenom smanjenju carinskih stopa kod uvoza određenih roba ili primjena propisa o kvotama (trenutno, Tarifni aneks Carinske tarife BiH i Odluka o upravljanju tarifnim kvotama za poljoprivredne proizvode), korištenje modula za analizu rizika (korištenje važećih kriterija selektiviteta i upućivanje podnijete carinske prijave na odgovarajuću traku selektiviteta u skladu sa cjelokupnom sistemskom obradom podataka iz carinske prijave, kriterija i parametara selektiviteta), te moduli za administraciju i konfiguraciju ASYCUDA World.
4. Nakon potpune implementacije ASYCUDA World u svim carinskim uredima, počće primjena na centralnom nivou sljedećih modula: centralizovano upravljanje kvotama; razduživanje izvoza u izlaznom graničnom carinskom uredu elektronskim putem u ASYCUDA World; kontrolnik Potvrde o naplati indirektnih poreza za robu prijavljenu usmenim putem (Kontrolnik CPD); kontrolnik TIR karneta; kontrolnik ATA karneta; unos odobrenja za pojednostavljeni postupak uvoza i izvoza po fakturi i unos faktura u Kontrolnik faktura i centralizovano upravljanje garancijama za postupak puštanja robe u slobodan promet. Do tog momenta (o čemu ćete biti blagovremeno obaviješteni), navedeni moduli korišće se na dosadašnji način u odgovarajućim aplikacijama UIO (Ex Disc, Quota BiH).
5. **Modul za postupak provoza** (koji uključuje stavljanje robe u postupak provoza i razduživanje tog postupka) korišće se u ASYCUDA++1.18d do momenta potpune implementacije ASYCUDA World u svim carinskim uredima, od kada će se početi koristiti odgovarajući modul za postupak provoza na centralnom nivou.
6. Kako bi se carinski postupci sa ekonomskim dejstvom: carinsko skladištenje (7100), privremeni uvoz (5300) i privremeni izvoz (2300) započeti u ASYCUDA ++1.18d a nerazduženi do dana puštanja u upotrebu ASYCUDA World u odnosnom carinskom uredu mogli dalje pratiti i razduživati u ASYCUDA World, a da se pri tome ne utiče na pravila tih postupka i statističke podatke UIO, potrebno je **nerazduženo stanje robe** po carinskim prijavama o stavljanju te robe u navedene carinske postupke **PRENIJETI u ASYCUDA World**, na sljedeći način:

#### 6.1. **Prenos nerazduženog stanja robe u postupku carinskog skladištenja (7100) u carinskom skladištu tipa A, B, C, D i F**

- Deklarant ili njegov ovlašteni zastupnik kreira "*carinsku prijavu o prenosu nerazduženog stanja robe*" u postupku carinskog skladištenja u odnosnom carinskom skladištu (jednu ili više, zavisno od situacije) za "virtuelni ured za odložene postupke" čija je šifra "BA000000",
- u *carinskoj prijavi o prenosu nerazduženog stanja robe*: u polju 31 upisuje se oznaka "prenijeto stanje"; u prvoj potpodjeli polja 37 upisuje se šifra "7100"; u polju 40 kao prethodni dokument upisuju se podaci o carinskoj prijavi po kojoj je odnosna nerazdužena roba stvarno stavljena u postupak carinskog skladištenja u odnosnom carinskom skladištu,
- u *carinskoj prijavi o prenosu nerazduženog stanja robe*: pored ostalih polja koja se popunjavaju za postupak carinskog skladištenja u carinskom skladištu tipa A, B, C i F, popunjava se i polje: 22, 33 (tarifna oznaka iz Carinske tarife BiH, a ne sistemski šifra), 42 i 47 (popunjavanje ovih polja propisano uputstvom iz tačke 1. ovog akta),
- *carinske prijave o prenosu nerazduženog stanja robe* sistem ASYCUDA World automatski usmjerava na "zelenu traku selektiviteta" i iste odmah procjenjuje i dodjeljuje im "L" broj,

- nakon prenosa nerazduženog stanja robe u ASYCUDA World, u polju 40 carinske prijave za razduživanje postupka carinskog skladištenja (kada se bude podnosila) upisuju se podaci o carinskoj prijavi o prenosu nerazduženog stanja robe koja je u pitanju, tj. koja se razdužuje,
- prenos nerazduženog stanja robe mora se obaviti u roku od 15 dana od dana puštanja u upotrebu ASYCUDA World u carinskom uredu koji je nadzorni za odnosno carinsko skladište (koji ured je i prijavni i otpusni ured za to skladište).

## 6.2. Prenos nerazduženog stanja robe u postupku privremenog uvoza (5300) i privremenog izvoza (2300)

- Deklarant ili njegov ovlaštenu zastupnik kreira "carinsku prijavu o prenosu nerazduženog stanja robe" (jednu ili više, zavisno od situacije) u postupku privremenog uvoza (5300) i u postupku privremenog izvoza (2300) za "virtuelni ured za odložene postupke" čija je šifra "BA000000"
- u carinskoj prijavi o nerazduženom stanju robe: u polju 31 upisuje se oznaka "prenijeto stanje"; u prvoj potpodjeli polja 37 upisuje se šifra "5300" ili "2300" (zavisno od situacije); u polju 40 kao prethodni dokument upisuju se podaci o carinskoj prijavi po kojoj je odnosna nerazdužena roba stvarno stavljena u postupak privremenog uvoza ili privremenog izvoza,
- carinske prijave o prenosu nerazduženog stanja robe u postupku privremenog uvoza (5300) i privremenog izvoza (2300) sistem ASYCUDA World automatski usmjerava na "zelenu traku selektiviteta" i iste odmah procjenjuje i dodjeljuje im "L" broj,
- nakon prenosa nerazduženog stanja robe u ASYCUDA World, u polju 40 carinske prijave za razduživanje postupka privremenog uvoza (5300) i postupka privremenog izvoza (2300), kada se bude podnosila, upisuju se podaci o carinskoj prijavi o prenosu nerazduženog stanja robe u tim postupcima (zavisno koji postupak je u pitanju),
- prenos nerazduženog stanja robe mora se obaviti u roku od 10 dana od dana puštanja u upotrebu ASYCUDA World u carinskom uredu koji je prihvatio carinsku prijavu po kojoj je odnosna nerazdužena roba stvarno stavljena u postupak privremenog uvoza ili privremenog izvoza.

## 6.3. Zajedničke odredbe za tačku 6.1. i 6.2.

- Carinske prijave o prenosu nerazduženog stanja robe u postupku carinskog skladištenja (7100), u postupku privremenog uvoza (5300) i privremenog izvoza (2300) predstavljaju administrativnu prijavu i iste ne podliježu naplati administrativne takse,
  - u navedenim carinskim postupcima, nezavisno od carinske prijave o prenosu nerazduženog stanja robe, moraju se u svemu poštovati pravila propisana za te postupke i sprovoditi odgovarajući carinski nadzor i kontrole.
7. Carinske prijave koje su do momenta puštanja u upotrebu ASYCUDA World u odnosnom carinskom uredu prihvaćene u ASYCUDA ++1.18d a po istima do tog momenta postupak nije završen (na primjer, nalaze se traci selektiviteta "upit" ili na "plavoj traci", i drugo) neće se prenositi u ASYCUDA World nego se postupak po istima završava u ASYCUDA++1.18d.  
Takođe, i uplate carinskog duga po carinskim prijavama prihvaćenim u ASYCUDA ++1.18d do momenta puštanja u primjenu ASYCUDA World unosiće se i razdužiti u ASYCUDA ++1.18d.
8. Iz ASYCUDA++1.18d u ASYCUDA World prenosi se i sljedeće: važeća pravila za obračun carinskog duga, kriteriji selektiviteta, šifre postojećih korisnika sistema, te sve referentne (šifarnici) i sistemske tabele koje će se koristiti u ASYCUDA World, s tim da su u ASYCUDA World unijete i referentne tabele potrebne za primjenu uputstva iz tačke 1. ovog akta.

9. Puštanje u upotrebu ASYCUDA World u svakom pojedinom carinskom uredu obavljaće komisija imenovana od strane direktora UIO, koja o tome sačinjava i potpisuje zapisnik na obrascu koji je prilog ovog akta.
10. Funkcionalnu i tehničku podršku za navedeno pruža Projektni tim UIO za implementaciju projekta ASYCUDA World.
11. U cilju uspješne implementacije ASYCUDA World, sve organizacione jedinice UIO dužne su u djelokrugu svog rada pružiti svaku potrebnu pomoć Projektnom timu ASYCUDA World.
12. Odsjeci za carinske poslove u Regionalnim centrima UIO, takođe dužni su o ovom aktu odmah upoznati svoje organizacione jedinice, a putem njih i na drugi pogodan način, obavijestiti i učesnike u carinskom postupku, te pratiti tok implementacije ASYCUDA World i organizovati rad na način koji će u potpunosti obezbijediti pravilnu, blagovremenu i efikasnu realizaciju tog projekta.

Carinski uredi dužni su učesnicima u carinskom postupku pružiti informacije u vezi implementacije i upotrebe ASYCUDA World, a koje su neophodne za sprovođenje carinskih postupaka, kako bi i oni u ostvarivanju njihovih prava i izvršavanju obaveza u carinskim postupcima postupali ispravno, te bili ažurni i efikasni.

13. Ovaj akt objaviće se na web stranici UIO: [www.uino.gov.ba](http://www.uino.gov.ba)

Prilog: Obrazac zapisnika o puštanju u upotrebu ASYCUDA World

Dostaviti:

1. Kabinetu direktora
2. Regionalnim centrima - Odsjecima svim
3. Sektorima i Odjeljenjima u Glavnoj kancelariji UIO
4. a/a.

**DIREKTOR**  
  
**Dr. MIRO DŽAKULA**

